

Trosolwg o ganlyniadau cymwysterau UG a Safon Uwch yng Nghymru – Haf 2019



Yr haf hwn, gwelwyd cyfnod olaf dyfarnu'r cymwysterau newydd. Bellach mae 29 cymwyster UG a Safon Uwch newydd sydd wedi eu datblygu ar gyfer dysgwyr ac wedi eu sefyll ganddynt yng Nghymru. Rydym wedi monitro'r ffordd y mae CBAC wedi cyflwyno'r cymwysterau hyn yn fanwl ac rydym yn hyderus bod y safonau wedi eu cynnal.

Penawdau

1. Canlyniadau Safon Uwch yng Nghymru'n i fyny.
2. Mae canlyniadau cymwysterau UG yng Nghymru'n pahau i fod yn sefydlog.
3. Mae nifer cyffredinol y cymwysterau UG a Safon Uwch a gymerwyd wedi gostwng eto eleni. Er mwyn ystyried hyn, rydym wedi cynnwys nifer y myfyrwyr sydd wedi cyflawni pob gradd, yn ogystal â'r canrannau yn y trosolwg hwn.
4. Dylid cymryd gofal wrth ddehongli newidiadau cymharol fach yn y canlyniadau o flwyddyn i flwyddyn oherwydd y newidiadau o flwyddyn i flwyddyn yn y niferoedd sy'n cymryd y cymwysterau.

Canlyniadau Safon Uwch: Cymru

O gymharu â chanlyniadau 2018:

- mae'r gyfran sy'n derbyn A* i fyny 0.4 o bwyntiau canran i 9.1%
- mae'r gyfran sy'n derbyn A* neu A i fyny 0.7 o bwyntiau canran i 27.0%
- mae'r gyfran sy'n derbyn A* i E i fyny 0.2 o bwyntiau canran i 97.6%

Canlyniadau Safon Uwch 2015-2019 (canran gynyddol)

| | A* | A*-A | A*-E |
|------|-----|------|------|
| 2019 | 9.1 | 27.0 | 97.6 |
| 2018 | 8.7 | 26.3 | 97.4 |
| 2017 | 8.3 | 25.0 | 97.7 |
| 2016 | 6.6 | 22.7 | 97.3 |
| 2015 | 7.3 | 23.1 | 97.3 |

Ffynhonnell: JCQ

Canlyniadau Safon Uwch 2015-2019 (nifer y graddau a ddyfarnwyd)

| | A* | A*-A | A*-E | Nifer a safodd |
|------|-------|-------|--------|----------------|
| 2019 | 2,876 | 8,512 | 30,716 | 31,483 |
| 2018 | 2,815 | 8,523 | 31,606 | 32,445 |
| 2017 | 2,749 | 8,321 | 32,523 | 33,294 |
| 2016 | 2,351 | 8,080 | 34,564 | 35,537 |
| 2015 | 2,360 | 8,324 | 35,061 | 36,034 |

Ffynhonnell: JCQ

Mae canrannau cyffredinol y graddau Safon Uwch a ddyfarnwyd yng Nghymru wedi codi. Er bod y canrannau sy'n cyflawni'r graddau hyn wedi cynyddu, mae'n bwysig ystyried y newid yn y niferoedd sy'n sefyll y cymwysterau eleni. Mae nifer gwirioneddol y graddau a ddyfarnwyd yn A *, A * ac A, ac A * i E yn weddol sefydlog, gyda sifftiau bach y byddem yn eu disgwyl a gellir ystyried hynny'n amrywiad arferol.

Canlyniadau Cymwysterau UG: Cymru

O gymharu â chanlyniadau 2018:

- mae'r gyfradd sy'n derbyn A i lawr 0.1 o bwyntiau canran i 20.3%
- mae'r gyfradd sy'n derbyn A i E yn aros yr un peth, 90.0%

Canlyniadau Cymwysterau UG 2015-2019 (canran gynyddol)

| | A | A-E |
|-------------|-------------|-------------|
| 2019 | 20.3 | 90.0 |
| 2018 | 20.4 | 90.0 |
| 2017 | 19.1 | 88.9 |
| 2016 | 18.0 | 88.3 |
| 2015 | 16.2 | 86.8 |

Ffynhonnell: JCQ

Canlyniadau Cymwysterau UG 2015-2019 (nifer o raddau a ddyfarnwyd)

| | A | A-E | Nifer a safodd |
|-------------|--------------|---------------|----------------|
| 2019 | 8,041 | 35,695 | 39,646 |
| 2018 | 8,737 | 38,635 | 42,915 |
| 2017 | 8,825 | 40,984 | 46,127 |
| 2016 | 8,831 | 43,384 | 49,144 |
| 2015 | 8,549 | 45,805 | 52,771 |

Ffynhonnell: JCQ

Mae'r ganran gyffredinol o raddau cymwysterau UG a ddyfarnwyd mewn A ac E yng Nghymru wedi gostwng rhywfaint. Fodd bynnag, fel gyda chanlyniadau Safon Uwch, mae angen ystyried y newidiadau hyn yng nghyd-destun newid yn y niferoedd sy'n sefyll y cymwysterau hyn.

Mewn rhai pynciau UG a Safon Uwch mae'r perfformiad wedi gwella, ond mewn eraill mae wedi gostwng. Mae hyn i'w ddisgwyl oherwydd bod y nifer a'r amrywiaeth o fyfyrwyr sy'n cymryd pob pwnc yn amrywio o un flwyddyn i'r llall.

Gosod safonau mewn cymwysterau UG a Safon Uwch yn 2019

Mae'r ymagwedd tuag at ddyfarnu yr haf hwn wedi bod yn gyson â threfniadau sydd wedi eu sefydlu'n dda er mwyn sicrhau bod safonau wedi eu gosod a'u cynnal yn briodol. Mae'n sicrhau bod amrywiaeth mewn canlyniadau ar y lefel genedlaethol wedi ei gyfyngu; mae hyn yn amddiffyn safonau ac yn sicrhau tegwch i fyfyrwyr, sy'n arbennig o bwysig pan fydd cymwysterau'n newid. Pan fydd newidiadau'n digwydd, mae mwy o amrywioldeb fel arfer mewn canlyniadau ysgolion a cholegau unigol.

Mae byrddau arholiadau wedi defnyddio data i gynhyrchu disgwyliadau'n seiliedig ar gyrhaeddiad blaenorol myfyrwyr ar lefel TGAU. Os yw'r garfan sy'n cymryd pwnc eleni yn debyg, yn nhermau ei pherfformiad yn y gorffennol ar lefel TGAU, i'r garfan a gymerodd y pwnc y llynedd (ac nad oes unrhyw beth arall i'w weld wedi newid), y disgwyliad yw y bydd canlyniadau'r graddau ar gyfer y ddwy garfan yn debyg. Fodd bynnag, ni chaiff y disgwyliadau ystadegol hyn eu defnyddio ar eu pen eu hunain. Mae arholwyr uwch yn adolygu gwaith myfyrwyr wrth ffin y radd allweddol ac yn eu cymharu â'r safon a osodwyd yn y gyfres flaenorol er mwyn sicrhau ei fod yn briodol. Os ydynt yn barnu nad ydyw, byddant yn symud ffin y radd i farc sy'n adlewyrchu safon debyg o waith. Mae hyn yn egluro paham y gall ffiniau graddau newid o un gyfres o arholiadau i'r llall.

Nifer y cymwysterau a gymerwyd yng Nghymru

Ar cymwysterau UG a Safon Uwch, mae'r nifer o gymwysterau a gymerwyd yng Nghymru wedi gostwng eto eleni. Ar lefel UG, mae nifer y cymwysterau a gymerwyd wedi gostwng 7.6% i 39,646 o gymharu â 2018. O ran Safon Uwch, mae nifer y cymwysterau a gymerwyd yn 2018 3.0% yn is sef 31,483 o gymharu â 2018.

UG a Safon Uwch 2015-2019: Nifer y cymwysterau a gymerwyd yng Nghymru

| | UG | Safon Uwch |
|-------------|---------------|---------------|
| 2019 | 39,646 | 31,483 |
| 2018 | 42,915 | 32,445 |
| 2017 | 46,127 | 33,294 |
| 2016 | 49,144 | 35,537 |
| 2015 | 52,771 | 36,034 |

Ffynhonnell: JCQ

Gallai'r gostyngiad hwn fod yn cael ei achosi gan nifer o ffactorau:

- poblogaeth lai o faint yn y grwpiau oed perthnasol, yn lleihau nifer y myfyrwyr allai ddewis mynediad i'r cymwysterau hyn;
- gostyngiad yn nifer cyfartalog y cymwysterau a gymerir gan fyfyrwyr; a
- cynnydd o ran myfyrwyr sy'n dewis astudio cymwysterau galwedigaethol, mynd i gael hyfforddiant neu ddechrau prentisiaethau.

Er mwyn deall hyn yn well, rydym wedi diweddarau peth gwaith yr aethom i'r afael ag ef y llynedd oedd yn edrych ar newidiadau i'r boblogaeth yng Nghymru. Roeddem eisiau gweld sut roedd y nifer o fyfyrwyr sy'n gallu dewis astudio arholiadau UG a Safon Uwch yng Nghymru o bosibl yn newid. Rydym wedi diweddarau blog y llynedd [yma](#).

Mae ein dadansoddiad diwygiedig yn awgrymu bod gostyngiadau yn y boblogaeth 17 ac 18 oed yng Nghymru yn parhau i fod yn brif reswm dros y gostyngiad o ran mynediadau i gymwysterau UG a Safon Uwch. Fe allai fod ffactorau eraill, fodd bynnag, oedd yn cyfrannu at y gostyngiadau o ran mynediadau, yn arbennig yn achos pobl ifanc 17 oed. Dangosodd y data i ni fod llai ymysg pobl ifanc 17 oed yn cymryd pedwar neu fwy o bynciau UG, gyda mwy o ddysgwyr yn dewis cymryd tri neu lai. Mae'r rhan fwyaf o bobl ifanc 18 oed yn cymryd tri phwnc Safon Uwch ynghyd â'r Dystysgrif Her Sgiliau Bagloriaeth Cymru Uwch a'r gyfradd o bobl ifanc 18 oed sy'n cymryd o leiaf un pwnc lefel UG wedi gostwng hefyd, sy'n helpu egluro pam fod mynediadau UG wedi gostwng yn gyflymach na mynediadau Safon Uwch.

Nodi: mae data 2019 yn un dros dro ac yn destun newid yn dilyn diwrnod canlyniadau TGAU.

Gwybodaeth bellach

Caiff canlyniadau llawn UG a Safon Uwch eu cyhoeddi gan [JCO](#). Rydym wedi cyhoeddi infograffeg am [ganlyniadau](#) UG a Safon Uwch eleni.